

թիւնները համապատասխան անդրադարձում չունենային վրաց ժողովրդական գանդուածների վրայ: Այս գանդուածները, որ երկար ու ձիգ դարերի ընթացքին միշտ եղբայրական վերաբերմունք են ունեցել դէպի հայ ժողովուրդը եւ մանաւանդ Վրաստան ապաստանած հայկաւոն հատուածները, այժմս ըստ երեւոյթին շատ էլ չեն կառուում վաղեմի բարեկամութեան եւ մտերմութեան աւանդներին:

Վրաստանի ապստամբութիւնը ճնշելու գործում, իր սխրագործութիւններով աչքի էր ընկել այսպէս կոչուած «չեկիստական գումարտակը», որ ինչպէս մեզ հաղորդուած էին վրացական աղբիւրներից, գերազանցօրէն բարկացած էր հայերից: Ապստամբութիւնից առաջ եւ յետոյ էլ Վրաստանի չեկաներում գլխաւոր գերակատարները հայերն են եղել, հոմաձայն նոյն աղբիւրներից ստացուած տեղեկութիւնների: Եթէ այս տեղեկութիւնները ճիշդ են, կասկած չկայ, որ սճրագործ բոլշեւիկները դիւային յղացումն են ունեցել ոչ միայն ճնշել վրացիներին, այլ եւ ճնշումը կատարել հայերի ձեռքով, որպէսզի նրանց միջեւ արեան թշնամութիւն ստեղծուի, եւ նրանք չկարողանան, յարմար բոլէին, միացեալ ճակատով դուրս դալ ընդհանուր թշնամու՝ բոլշեւիկեան բռնապետութեան դէմ:

Սա այնքա՛ն պարզ, այնքա՛ն հասկանալի մի խաղ էր, որ վրաց ժողովուրդը, իր առողջ բնազդով եւ դատողութեամբ, իսկոյն պէտք է ըմբռնէր. ձիւղ պնայէս, ինչպէս որ ժամանակին հայ ժողովուրդն էր ըմբռնում ցարական սատրապների դիւային խաղը, երբ նրանք Նակաչիձէներին, Տակաչվիլիներին, Լոյսձէներին եւ վրացական անուններ կրող ուրիշ մանր ու խոշոր դահիճներն էին առաջ քաշում՝ հայկական ջարդեր կազմակերպելու կամ հայ յեղափոխական շարժումները խեղդելու համար: Բայց որովհետեւ վրաց ժողովրդի միտքը բաւական թունաւորուած էր իր հին եւ նոր վարիչների մշակած հակահայկական տրամադրութիւններով՝ նա հայ չեկիստների վայրագութեանց համար պատասխանատու էր նկատում հայ ժողովուրդը՝ առանց նոյնիսկ հաշուի առնելու, թէ նոյն այդ չեկիստների

ձեռքից ինքը հայ ժողովուրդը ինչքա՛ն էր տառապել եւ արիւնոտուել*)...

Թէ այս օրինակ տրամադրութիւնները ինչքա՛ն անախորժ չփումներ կարող են առաջարկել տիրող վրաց ժողովրդի եւ վերահայ ազգային փոքրամասնութեան միջեւ՝ դառնացրնելով վերջինիս կեանքը, այդ հասկանալի պէտք է լինի ամէնքի համար: Մենք խօսում ենք միայն անախորժ չփումների մասին. սակայն, վրացական շրջանակներից, աւելի ծանրակշիռ հաւանականութիւնների ախարկներ եւս լսում ենք յաճախ...

* * *

Ահա այս է վերահայ ժողովրդի վիճակը ներկայիս: Եթէ հանրապետական վարչութեան օրօք նա իրաւազրկուած էր իբրեւ ազգային փոքրամասնութիւն իր մշակոյթային եւ ինքնավարական պահանջների մէջ եւ մինչեւ իսկ բացայայտ հալածանքների էր ենթարկուած «յարմար» առթիւ՝ այժմ, Սորհրդային վարչութեան տակ, նա կատարելապէս անտեսուած է իբրեւ ազգային փոքրամասնութիւն եւ, հետեւողական քաղաքականութեամբ, յետ մըղուած պետական եւ հանրային կեանքի բոլոր մարզերից:

Ի՞նչ պէտք է անել այս վիճակը դարձանելու համար: Ի՞նչ պէտք է անել, որ վերահայ ազգային փոքրամասնութիւնը փոխանակ կնճռոտելու Հայաստանի եւ Վրաստանի յարաբերութիւնները՝ շողկապող օղակ դառնայ նրանց միջեւ՝ մնալով միաժամանակ կատարելապէս օրինապահ, կատարելապէս պարտաճանաչ հանդէպ Վրաստանի եւ նրա իշխանութեան:

Այս հարցերի գոհացուցիչ պատասխանը եւս մենք գտնում ենք Ժողանխայի մօտ: — Իմ դէմ ունեցած բանալէճի մէջ, Ժողանխան հետեւեալ տեսակէտներն է արտայայտում ազգային փոքրամասնութիւնների հարցի վերաբերեալ:

*) Վրաց ժողովրդի այս տրամադրութեան մասին մի կարեւոր վաւերագիր ունինք մեր տրամադրութեան տակ, որ առայժմ անյարմար ենք նկատում հրապարակ հանել: